



## Universitätsbibliothek Paderborn

**R. P. Pauli Segneri Societatis Jesu Brevis Vitæ Historia  
cum ejusdem Concordia Quietis & Laboris in Oratione,  
Expositione in Psalmum Miserere, Considerationibus de  
Inferno, Expositione Cantici ...**

**Massei, Giuseppe**

**AUGUSTÆ Vindel. & DILINGÆ, 1707**

**VD18 12383155**

§. III. Disciplinis altioribus studet, & in Concionatorem formatur.

[urn:nbn:de:hbz:466:1-47773](http://urn:nbn:de:hbz:466:1-47773)

torem egit: & compluribus annis supremum in Societate Magistratum gessit. Non parùm timuit primis diebus Pater Oliva, ne genjus ille tam excitatus rigori Disciplinæ religiosæ ferendo non esset: sed citò is metus desistit, dum non absque solatio animadvertisit, illum indolis vigorem tironi pro calcari tantum esse, & incitamento, ad viam spiritus alacrius velociusque currendam.

## §. III.

*Disciplinis altioribus studet, & in Concionatorem formatur.*

Perducto ad finem tirocinij biennio, non potuit Paulus consuetis se votis DEO adstringere; cum nondum expletisset annos ad eam rem legibus nostris requisitos: putabatur enim, quando ad Tirones accessit, aliquot menses numerare ultra eos, quos re vera numerabat: cognito proin hoc errore expectare tantisper oportuit ætatem legitimam, & interea ad Romanum Collegium recolendæ Rhetoricæ illum mittere, in quo dein etiam Philosophicis Disciplinis excultus est. Eo loco & tam spectabili in theatro semper clarius egregiæ ejus animi dotes emicuere, sic ut semper Magistri ad functiones illustris illius Academiæ maximè conspicuas eo uterentur. Emensus Philosophicum stadium eodem in Collegio Grammaticæ præceptis teneram ætatem informare iussus, cù laboriosâ provinciâ tribus annis integris defunctus est. Sed cùm amplè Pauli menti non sufficerent occupationes Scholæ, eodem tempore se impedit Italicè reddendæ secundæ Decadi P. Famiani stradae de Bello Belgico, quam is author stylo latino laudatissimo vulgaverat: & verò etiam lucem publicam aspexit is

*Historia Vita*

partus præfixo Interpretis ipsius nomine. Id autem spe-  
ctavit hoc suo labore Paulus , ut Hetrusci idiomatis ele-  
gantiam imbiberet penitus , itaque se ad Concionum sa-  
cram munus magis idoneum redderet , ad quod inde à pri-  
mis annis , ut ante indicabamus , tanta propensione ferri  
visus est. Perrexit autem tanto studiosius ad id se muneris  
parare , cùm P. Vincentius Carafa sanctæ memoriae toti no-  
stræ Societati Præpositus , auditâ unâ ipsius Conccione ,  
quam forte in triclinio , mote Scholasticis nostris usitato , di-  
xerat , tantopere captus est , ut vocatum ad se Juvenem pa-  
terna humanitate alloqueretur , & sacro quoipam dona-  
tum munusculo , suæ in eum benevolentia argumento , ex-  
citaret ad talentum , quod à DEO acceperat , non occul-  
tandum , sed eo strenue utendum. Diceret omnino ad sa-  
cram coronam , sed ita diceret , sicut tum dixerat , nee am-  
bigeret , quin DEUS conatibus & laboribus ejus esset adfu-  
turus. Ultimam porro manum huic operi admovit P. Sfor-  
tia Pallavicinus , qui aliquot post annis ob insignia in Ro-  
manam Ecclesiam merita ab Alexandro VII. Pontifice Va-  
ticanam Purpuram admittere compulsus est. Magno sem-  
per & singulari prorsus studio ferebatur magnus iste vir ad  
eos juvandos formandosque , quos præ ceteris idoneos a-  
gnoscet ad magna pro DEI gloria efficienda. Is cùm in  
Pauli animo dotes tam præclaras & naturæ & gratiæ intro-  
spexisset , magnopere erga illum affici cœpit , fovitque de-  
inceps constanter eum animi sensum , certus nihil omittere ,  
quod solo tam fœcundo percolendo facere videretur : cu-  
jus se rei præclara paulo post occasio obtulit : eum enim in  
Theologicis Discipulum natus , non modò rerum divina-  
rum alta cognitione imbuīt , sed artem quoque ad Populum  
de DEO cum fructu dicendi tradidit exquisitissimam , quid-  
quid

-109

8 A.

quid ex oratoria, Poëtica, & ceteris liberalibus Disciplinis, quibus excellenti quodam in gradu imbutus erat P. Sfortia, ad eam functionem faceret, pronissimâ voluntate communicando.

§. IV.

*Inter Literas in virtute plurimum profecit.*

**I**N perdiscendis Disciplinis nihil optimus Invenis de solidarum virtutum studio remisit, et si id non parùm difficultatis habeat tam studij ipsius naturâ, quod animum totum ad se trahit, quâm sociorum in eadem palæstra æmulatione, quæ vanitatem gignere solet. Dicam tantum, ut inde colligantur cetera, solitum illum flagris in se tam dire animadvertere, ut cogeretur aliquando alienâ uti operâ ad tergum flagrorum i&tibus lacerum percurandum. Aliâs pectoris venâ ruprâ tantum sanguinis egessit, ut is, cui ægrom cura credita erat, assereret, neminem unquam aliâs fibi oblatum, qui tantum vomuisset. Inquisitum est in ejus mali causam, & deprehensum, natum id ex nimiis quibusdam & parùm prudentibus conatibus, quibus Juvenis & pervincere se ipsum corpus affligendo, & DEUM amare studuerat; ad id provocatus à socio ejusdam palæstræ Theologicæ, quocum ipsi contentio fuit, quisnam eorum crebrius & intensius ejusmodi actibus uteretur. Unde negari non potest, meritò illum à Domus Ministro occasione quapiam alterum Beatum Aloysium appellatum, P. Sfortiam Pallavicinum verò festivo in eum Anagrammate lusisse: *Paulus Segnerus.* Purus Angelus es. Ad rem istam magis affirmandam præclarè facit testimonium P. Josephi Agnelli, quod litteris consignatum penes me est. Quis autem vir sit

P. Jose-